



**JUNTA DEL VALLE DE AEZKOA
AEZKOAKO BATZARRE NAGUSIA**

31671 ARIBE (Navarra) • CIF: P3175000C

Tel: 948 76 43 75

junta@aezkoa.net

valledeaezkoa@gmail.com

www.aezkoa.org

Ariben, 2025eko ekainaren 4an, goizeko bederatzi eta erdietan, Aezkoako Batzarre Nagusiak bilkura berezia egin du, lehenengo deialdian, lege deituta, haren presidente titularrak zuzenduta eta jarraian adierazten diren kideak bertan zirela, eguneko honako gai hauek aztertzeko:

BILDUTAKOAK

Batzarreburu jauna: Karlos Bueno Reka

Batzarrekide jaun/anderak:

Arnesto Berruezo, Alfonso – Barberena Echart, Beñat – Colomo Cantero, Ana Isabel – Gómez Sanz, Iraide – Merino Iriarte, Juan Esteban – Ubau Galarza, Nere.

LEHENENGOA.- DEIALDIA, ADMINISTRARI LAGUNTZAILE LANPOSTUA OPISIZIO-LEHIAKETA BIDEZ BETETZEKO.

Arnesto batzarrekide jaunak jakinarazi du abstenitu egin behar duela gai-zerrendako puntu honen eztabaidan eta bozketan, eta saioa utzi du.

Jakinarazi da uztailaren 18an hiru urte beteko direla egungo langilea, administrazio-kontratua duena, bitarteko egoeran sartu zenetik plaza bete arte. Egungo araudiaren arabera (maiatzaren 7ko 1/2025 Foru Lege-Dekretua) kontratazioa egin zenetik hiru urte igaro ondoren, kontratua azkendu egiten da; salbuespen gisa, langileak aldi baterako betetzen duten lanpostuan egon ahal izanen dira, baldin eta plaza hori lan-eskaintza publiko batean sartu bada eta dagokion deialdia argitaratu bada.

Hori dela eta, lehenbailehen onartu behar da deialdia, lanpostua modu finkoan betetzeko, eta zerbitzua mantendu deialdi hori ebatzi arte.

Deialdia arautuko duen oinarri proposamena berrikusi ondoren, Batzarre Nagusiko Osoko Bilkurak erabaki du bere plantilla organikoan hutsik dagoen administrari laguntzaile lanpostua, lanaldi osokoa eta lan-erregimenekoa, betetzeko oposizio-lehiaketarako deialdia egitea.

BIGARRENA.- ESZEDENTZIA ESKARIA

Arnesto batzarrekide jauna bilkurara itzuli da, eta Ubau batzarrekide andereak jakinarazi du abstenitu egin behar duela gai-zerrendako puntu honen eztabaidan eta bozketan, eta bilkura utzi du.

Ubau andreak aurkeztutako eskabidea irakurri da. Bertan adierazten denez, Hauteskunde Araubide Orokorrari buruzko ekainaren 19ko 5/1985 Lege Organikoaren 178.2-b artikuluan ezarritakoarekin bat etorritik Batzarre Nagusiko bokal kargua hartu ondoren, Iratiko informatzaile lanpostua betetzeko bateraezintasunean sartzen da. Lanpostu hori oposizio-lehiaketa bidez lortu zuen, Batzarre Nagusi honek 2023. eta 2024. urteetan enplegua egonkortzeko egindako prozesuaren ondoren.

Hauteskunde Araubide Orokorraren Legeak adierazten du bateraezinak direla zinegotzi izatearekin (kasu horretan, bokalaren antzekoa), zerbitzu-zuzendariekin, funtzionarioekin edo udaleko eta haren mendeko erakunde eta establezimenduetako jardunean dauden gainerako langileekin.

Hauteskunde Araubide Orokorrari buruzko Legearen 178. artikulua berak 4. atalean ezartzen duenez, bateraezintasun-arrazoia 2. paragrafoko b) puntuan jasotakoa denean, zinegotzi-kargua aukeratzen duen funtzionarioa edo enplegatua zerbitzu berezietako egoerara igaroko da, edo, subsidiarioki, kasuan kasuko hitzarmenetan aurreikusitakora, eta horrek lanpostua gordetzea ekarriko du.

Langileen Estatutuaren 46.1 artikuluan jasotako erregulazioa ikusita, honako hau ezartzen baitu: "Eszedentzia borondatezkoa edo nahitaezkoa izan daiteke. Nahitaezkoaren kasuan, lanpostua gordetzeko eta haren indarraldiko antzintasuna zenbatzeko eskubidea emanen du, eta lanera joatea eragozten duen kargu publiko baterako izendatzeagatik edo hautatzeagatik emanen da. Kargu publikoa utzi eta hurrengo hilabetearen barruan eskatu beharko da lanera itzultzea".

Ikusi da, halaber, Administrazioaren zerbitzuko lan-kontratuko langileen Hitzarmen Kolektiboaren 48. artikuluan erregulazioa, Nafarroako Gobernuaren 2007ko urtarilaren 15eko Erabakiaren bidez onartu zena, eta Batzarre Nagusi hau hari atxikita dago.

1. Nahitaezko eszedentzia-egoeran deklaratuko dira:

b) Bateraezintzat jotako jarduera bat egiten duten langile finkoek, Administrazio Publikoen zerbitzura dauden langileen bateraezintasunak arautzen dituen araudiaren arabera, jarduera horri uko egiten ez badiote;

2. Nahitaezko eszedentzian dauden langileei 46.4 artikuluan xedatutakoa aplikatuko zaie.

Azaldutako araudia kontuan hartuta, Batzarre Nagusiko Osoko Bilkurak aho batez erabaki du Ubau Galarza andrea nahitaezko eszedentzia-egoeran deklaratzeko, eta lanpostua gordetzeko eta haren indarraldiko antzintasuna zenbatzeko eskubidea izatea. Langileak bokal kargua utzi eta hurrengo hilabetean hasi beharko du lanean.

HIRUGARRENA.- DEIALDIA, IRATIKO INFORMATZAILE LANPOSTUETAKO LANGILEAK ORDEZKATZEKO ZERREDA OSATZEKO.

Une honetan, eta aurreko puntuan eztabaidatutako eszedentzia onartu ondoren, langileak behar dira egoera hori eta aitatasun-baja betetzeko, denboraldian zehar sor daitezkeen ordezkapen edo zerbitzu indargarri gehiago egiteko.

Aurrekoa ikusita, Osoko Bilkurak onartu egin du langileak hautatzeko prozesu baterako deialdia, 2024an hautaketa-prozesurako erabili ziren baremo eta oinarri berberekin, eta Epaimahaia osatzen duten pertsonak ere izendatu dira. Eskaerak aurkezteko epea ekainaren 11n amaituko da, Agoizko Gizarte Segurantzako Bulegoan dagokion lan-eskaintza egin ondoren. Hautaketa egin aurretik, maila-proba bat egingen zaie B-2 mailaren baliokidea den euskararen ezagutza agiri bidez egiaztatzen ez dutenei; proba horren ordua jakinaraziko zaie dagokien pertsonari. Hautaprobak ekainaren 12an egingen dira, Aezkoako Etxean, 09:30ean.

Eta aztergai gehiagorik egon ez denez, bilkura bukatutzat eman da goian adierazitako eguneko hamaikak eta hogeita hamar minutuak zirela. Esandakoa jasotzeko akta hau luzatu da, eta nik, idazkariak, ziurtatu egiten dut.